



Lafors Linite Sesel i pli for e pli enportan

Le 30 Zen 2018, nou Parti, i'n konmans ekri en nouvo sapit dan son evolisyon istorik. Ozordi, nou'n konmans en nouvo voyaz dan listwar politik modern sosyete Seselwa!

EN VOYAZ KOT NOU'N MET AN VALER LOBZEKTIF TENM NOU KONGRE, ENTITILE:-

‘RETHINKING PARTI LEPEP’

An zot NON, e dan mon kapasite personnel konman PREZIDAN PARTI LEPEP, mon annan gran LONER, e plezir, pou formelman deklare, ki ansanm, nou'n ATENN LOBZEKTIF NOU 32ENM KONGRE NASYONAL! EN GRAN MERSI ZOT TOU!!

pou pare fransir sa nouvo frontyer avek koufraz, viger e determinasyon.

Tan ki soley i leve dan bomaten, nou lanvi e lanmour ek lafeksyon pour nou Parti e nou pei pa pou zanmen tennyen. Nou'n vwar sa ozordi atraver bann lentervansyon tre solid e pasyonnen ki nou'n fer. Nou'n koz nou leker kler, fran, san rezervasyon, avek bi dezorme, etabli en nouvo plan travay pour nou Parti.

Tan ki soley i dir nou bonzour, sa pasyon pour fer en diferans dan nou pei, dan nou kominote, dan nou lakour pou kontinyen reste vivan.

Mon fyer, e nou tou, nou devret santi sa lafyerte e mon senserman krwar ki tou nou bann manm ek siporter, ki zot, zot reprezante, dan zot kapasite konman bann lider elekte lo nivo labaz e nasyonal, ki dan tou kwen teritwar Sesel, e dan tou kwen lemonn, kot nou bann manm ek siporter i ete, zot partaze e zot pou kontinyen selebre nou lafyerte.

Egalman, nou bezwen osi selebre nou kouraz ek determinasyon vivan, ki ozordi, plis ki zanmen i renye dan nou Parti, malgre tou bann NOUVO DEFI, nou tou ansanm, nou'n donn nou langazman, pour fer fas avek.

Nou bezwen, nou oblize met nou pare pour fer fas avek nenport ki evantyalite, ozordi, demen e dan lavenir, nou napa swa!

Sel swa ki nou annan, se fer fas avek tou bann defi! Nou sikse e nou laviktwar lo tou bann defi, san dout, pour prozekte nou Parti dan sa nouvo dinamik politik avek bokou plis viger, ki endispensab pour nou sirvivans e

Nou bann zonn, fanm e zanfan Seselwa, nou osi nou bezwen leve, debout e kontinyen san ses sa travay ki nou'n komanse. Nou kouraz ek determinasyon pour anmenn nou lo en lot some. Napa naryen ki pou bar nou dan sa latas ki devan nou e dan sa plan travay ki nou'n trase.

Alors, parey dan bann moman desisif dan listwar tou nou lalit politik, nou bann desizyon ki ozordi nou'n deside pran, i en pa desisif ki pou selman kapab anmenn nou bokou pli lwen ankor ver lakonplisman nou misyon istorik!

Ozordi ansanm, nou'n revizit nou PARTI, nou'n revaloriz bann prensip nob ki'n a labaz

mentenir nou relevans konman sa lafors politik mazer dan Sesel ozordi e dan lavenir!

Desizyon ki nou'n pran ozordi, se bann desizyon konkret e serye ki pou al dan liv listwar konman en lot letap enportan dan sa gran parkour nou PARTI. Nou pe pran en nouvo direksyon, akoz lepok ki nou pe viv ladan ozordi, i egzize ki nou fer sanzman nesese ki pou reponn lapel a laspirasyon sa nouvo Sesel.

Tou nou aksyon, tou nou bann desizyon ozordi, nou'n fer li, akoz nou senser dan nou determinasyon pour kree en sel Sesel, en Sesel pli fraternel, en Sesel, pli ini!

Lafors Linite Sesel i pli for e pli enportan ki lafors sanzman Sesel. Anefe, vre e sel sanzman ki Sesel i bezwen, se en lafors ki pou inifye li e inifye son pep ver lavenir. Napa en lot semen ki kapab rekiltiv sa lanmour e respe pour sov sa prosen zenerasyon.

Sa latas, i repoz lo ledo en Parti ki pran son rol e son responsabilite o serye i sa Parti ki

nou legzistans, nou progre e bokou lakonplisman, kouronnen avek laviktwar pour lepep Seselwa!

Nou bezwen retenir tou nou bann prensip nob, pli enportan, se reetabli nou bann prensip dan lapratik e dan tou lenstans nou striktir.

Nou'n fer en legzamenn konsyans, e vwar bann lerer ki'n arive dan lepase, bann moman kot nou'n drive lo nou larout. Nou, nou pa'n per pou koz lola, e vwar fason pou korize, me pli enportan, se evit repetisyon!

I'n pran kouraz pou nou koz lola avek fransiz e propoz nouvo fason fer. Nou pa devret per pran responsabilite pou redres nou menm,

annan lentere Sesel e Seselwa akere. Ozordi, plis ki zanmen, en gran mazorite Seselwa, pe egzize ki nou reste en pei stab, en pei kot lape i renye, kot lanmour i ranplas laenn ek lespri vanzans, anfen, nou pep pe egzize ki tou dirizan bann parti politik i fer tou sa ki posib, pour inifye SESEL, ZISTEMAN, AKOZ SESEL I PLI GRAN KI NOU TOU!

LINITE SESEL, I RESTE NOU PRIYORITE LIMERO ENN!

Nou pep pe egzize ki lafason ki nou fer politik i transparan, onnet e san okenn laenn e move lentansyon. Lentelizans nou pep pe egzize ki nou bouz o dela politik partisan, e rod sa ki meyer pour Sesel e tou Seselwa!

Alors, nou bezwen bouz avek menm dinamik, e reponn sa gran lapel ki pe ganny fer. San okenn dout, sa PARTI LEPEP ki nou pe redinamize, rearanze, reorganize, pou pare,

e atraver nou, redress, nou PARTI.

Nou en parti ki'n toultan fer sanzman. Nou anbras li konman en letap enportan e nesese si nou anvi kontinyen fer sa ki bon e sa ki byen pour nou pei. Nou'n fer li akoz i nesese e enportan, Nou'n fer li akoz in touzour reponn bezwen nou pep. Sa Parti, i pli gran ki nou tou!

Sa bann sanzman pour anmenn plis la-transparans ek rannkont dan nou PARTI. I bann bon prensip ki nou pa pou zis koz lola, me nou pou enkilke dan nou PARTI e dan tou nou bann manm. Se sa bann prensip ki pou gid nou dan sa nouvo voyaz! ■